

### P. 625, L. 4 【庚二偈頌】

辛初超頌功德 → 初超頌格量顯多 → 初頌舉五度為格量本。  
 → 二頌正格信解功德甚多。  
 → 二追頌總論無量。  
 辛二頌位行不退 → 初明不易信解、二明信解則必發願故得不退。  
 辛三追頌相貌。

P. 625, L. 8 【若人求佛慧】《法華經授手》卷 8：「前四句。總頌於多劫中行五度也。次十二句。分頌施度。彼以種種微妙。供養三寶。歷八十萬億等劫。而不少衰。布施亦云極矣。而況志非小果。回向佛道乎。回向佛道。應上發菩提心一句。」(X32,p.773b23-c2)

P. 625, L. 9 【於是諸劫中】《法華經授手》卷 8：「此分頌戒忍二度。戒。則求無上。為諸佛所歎。是何等戒行。忍。則惡類咸恣。而增慢俱釋。又是何等忍力。非勤求佛慧者。不能如此。

此分頌進禪二度。精進志念。歷無量億劫。而無一息之懈。可謂堅固極矣。禪。則坐臥經行。歷八十億萬劫。而心不少亂。可謂盡禪之邊際矣。要皆是勤求佛慧。非志趨小果者比禪度。前四句。明修禪之法。以空閑處行坐為緣。除睡攝心為因。中四句。明由此因緣。而得禪定。故安住多劫。其心不亂。後四句。明由定心生福。由福發願。由願求道。得一切智。而盡定之邊際也。

此四句結上五度功德。如此者。其功德可謂廣矣。以此殊勝功德。起下較量之意。」(X32,p.773c4-18)

P. 626, L. 6 【其福過於彼】《法華經授手》卷 8：「此正頌行此五度功德。百千萬億不及一念之信解也。然不但一念信解功德非算喻能知。即須臾間絕疑悔。而發深心。其獲福亦與一念信解者等。總見事理之不相侔也。須臾比一念。為極少之時。其福亦如此者。在『悉無、深心』四字上。喫緊無諸疑悔者。始得深心信解。所以須臾信而福超諸度也。」(X32,pp.773c20-774a2)

P. 627, L. 3 【願我於未來、說壽亦如是】《妙法蓮華經文句》卷 10：「無量劫行道者，久修諸度也。願我於未來者，起慈悲願也。藉久行願，聞經信解，今之初品，始聞此經，一念信解，功等久行，亦乃過之也。」(T34,p.137c17-20)《法華文句記》卷 10：「《經》云『願我於未來』等者，既云起誓，但是聞壽，願當同之。問：近成者無長可說，何得皆言亦如是耶？答：言如是者，謂說常壽。若得常壽，盡未來世必當過此，何但如是？今從實成來，故且舉爾許。」

P. 627, L. -2【三法】(1)深心-如來室。(2)清淨質直-如來衣。(3)多聞總持解佛語-如來座。但《妙樂記》不同解。《法華文句記》卷10：「《經》云『深心』等者，此於本地圓門仍具五法，方乃斷疑：一者聞遠生信，二者深心，三者直心，四者多聞心，五者為他說。有人於此廣引諸文以釋多聞，於此非要。何者？先聞遠本，次入深心及以直心，生於多聞，方是此中多聞義也。『深』謂窮理不二，『直』謂始終一揆，以此而觀，一一句義無非多聞。」(T34,p.343a19-26)

P. 627, L. -1【無作四宏】《金光明經文句記》卷1：「深察圓觀四諦，皆稱『無作』；苦集逆修，體是性惡，即逆是順，道滅無功，故云『陰入皆如，無苦可捨；塵勞本清淨，無集可除；邊邪皆中正，無道可修；生死即涅槃，無滅可證。』」(T39,p.94a28-b3)《四教儀註彙補輔宏記》卷9：「依無作四諦。起四種宏誓。了陰入皆如，無苦可捨，而云眾生無邊誓願度。了塵勞本淨，無集可除，而云煩惱無數誓願斷。了邊邪皆中正，無道可修，而云法門無盡誓願學。了生死即涅槃，無滅可證，而云佛道無上誓願成是也。」(X57,p.930c14-19)

P. 628, L. 1【清淨而質直】「清淨心」：不為五住所污。「直心」：正念真如。《大乘起信論》：「一者、直心，正念真如法故。二者、深心，樂集一切諸善行故。三者、大悲心，欲拔一切眾生苦故。」(T32,p.580c7-9)元曉《起信論疏》卷2：「言直心者。是不曲義。若念真如。則心平等。更無別岐。何有迴曲。故言正念真如法故。即是二行之根本也。」(T44,p.220a25-28)「五住」：五住地惑，1. 見一處住地（見惑）2. 欲愛住地 3. 色愛住地 4. 有愛住地（三界思惑）5. 無明住地。（無明惑）

P. 628, L. 8【解其言趣】《妙法蓮華經文句》卷10：「是第二品，前但信解，未能敷說，說涉名數，須善方言，今品具足，故言為他解說。從勝受名，名第二品。以說力故，能起自他無上之慧。此文先標人相，次格量也。」(T34,p.137c20-24)「方言」：方者，即方域；域者，即所緣之域。眾生所緣之域，即方域。所謂言，即言教，指能化隨緣之教。總之，隨方之言，故謂方言，亦即隨著所化之根機，由能化之聖者所設之言教。

P. 628, L. -2【功德外資。內智疾入】如前 p. 625:2「資熏」、「習熏」。第八識雖含藏一切善惡種子，若無染淨二緣熏發，則不能成染淨等事；如穀麥等種，雖有生芽之能，若不得水土「資熏」，芽亦不生，故名資熏也。資，猶助也。謂現對塵境所起之心，及諸惑相資熏發而成染淨等事，故名資熏。習即數習，謂數習染淨之緣，熏發心體而成染淨等事，故名「習熏」。「入」：解入、證入。